



ZAVOD ZA JAVNO ZDRAVSTVO TUZLANSKOG KANTONA

Telefon: 00387 35 307-700; Fax: 257 467; Ulica Seadbega Kulovića broj 6. Tuzla

Identifikacioni broj: 4209080250003; Transakcijski račun: 1321000309083330 NLB Banka Tuzla
Poreski broj: 03000668; e-mail: zavodzjz@bih.net.ba; Reg.broj: 032-0-Reg-12-000995 Općinski Sud u Tuzli

Broj: 01- 434 -1/14

Datum: 15.05.2014. godine

**KANTONALNA UPRAVA CIVILNE ZAŠTITE TUZLA,
KANTONALNI ŠTAB CZ
n/r Direktora**

PREDMET: Preporuke za stanovništvo , *dostavlja se*

Pojava obilnih kiša na području naše zemlje i Tuzlanskog kantona uzrokuju pojavu poplava i izlivanje većine vodotoka iz njihovih korita i otpadnih voda iz kanalizacionih mreža. Veliki priliv površinskih i otpadnih voda može ugroziti kvalitet vode u vodonosnim slojevima zemljišta, na taj način i vodu u različitim vodnim objektima. Ovakva hidrološka situacija pogoduje nastanku i širenju zaraznih oboljenja koja se prenose vodom kao što su: trbušni tifus, paratifus, dizenterija, zarazna žutica i neke druge bolesti.

Za vrijeme poplave neophodno je sprovođenje mjera kojima se sprječava širenje zaraznih bolesti putem zagađene vode i hrane, kao i mjera koje se odnose na ličnu higijenu, higijenu predmeta i mjesta stanovanja.

PREPORUKE

1. U slučaju primjećivanja promjene bilo kojeg svojstva vode (boja, ukus, miris, mutnoća) vodu ne koristiti.
2. U nedostatku zdravstveno bezbjedne vode piti prokuhanu vodu.
3. Adekvatna dezinfekcija vode vrši se jednom od najčešćih fizičkih metoda prečišćavanja vode odnosno prokuhavanjem. Prokuhavanje vode je brza metoda koja se preporučuje pri iznenadnim i neočekivanim zagađenjima vode, a podrazumjeva ključanje vode u trajanju od 30 minuta kako bi se uništile svi mikroorganizmi koji mogu biti uzrok bolesti i hidričnih epidemija.
4. U nemogućnosti da se zamućena ili voda promjenjenog mirisa dezinfikuje ili prokuhava treba za piće obezbjediti zdravstveno-ispravnu vodu iz alternativnih izvora, ili trošiti flaširanu vodu.
5. Neprokuhana i nedezinfikovana voda se ne smije upotrebljavati ni za pranje suđa, zuba, lica, ruku, pranje i pripremu namirnica. Za tu svrhu koristiti samo prokuhanu i dezinfikovanu vodu.

6. Neophodno je pojačati mjere lične higijene, naročito često pranje ruku sapunom prije jela, nakon upotrebe WC-a, nakon čišćenja naplavljenog otpada, nakon rukovanja predmetima koji su došli u kontakt sa naplavnom ili kanalizacionom vodom.
7. Maloj djeci davati samo industrijski pripremljenu hranu, a u slučajevima kućne pripreme koristiti prokuhanu vodu.
8. Posebnu pažnju treba obratiti na higijenu ruku kod djece.
9. Ljekarsku pomoć obavezno potražiti u slučaju pojave mučnine, povraćanja, slabosti, proljeva i povišene tjelesne temperature.

S poštovanjem,

DIREKTORICA
Dr. med. sci. Mulić dr Maida



Dostavljeno:

- Naslovu
- a/a